

Na osnovu odredaba Zakona o štrajku ("Službene novine Federacije BiH", br. 14/00) i Pravila o organizovanju i vođenju štrajka Samostalnog sindikata službenika organa uprave i sudske vlasti u FBiH ("Službene novine Federacije BiH", br. 54/01 i 57/03) Štrajkački odbor općinske organizacije samostalnih sindikata državnih službenika i namještenika općine Vareš (u daljem tekstu: Štrajkački odbor), koji zastupa Miralem Musa – predsjednik Štrajkačkog odbora, s jedne strane, i Avdija Kovačević – Općinski načelnik Općine Vareš (u daljem tekstu: Poslodavac), s druge strane, na sastanku održanom dana 16.06. 2015. godine, usaglasili su i potpisali:

SPORAZUM

o međusobnim pravima i obavezama

1.

Na osnovu Odluke broj 01-15/15 od 15.06. 2015. godine, Štrajkački odbor donosi odluku o zamrzavanju štrajka do daljnjeg, o čemu ovim sporazumom potvrđuje predmetnu Odluku i s istom upoznaje Poslodavca.

2.

Predmetna Odluka ostaje na snazi sve do konačnog ispunjenja svih zahtjeva Štrajkačkog odbora, a koji se odnose na izmirenje svih prava iz rada i po osnovu rada (plaće, topli obrok, naknada za prevoz na posao) počev od 01.01. 2015. godine, pa zaključno sa danom potpunog stvaljanja van snage Odluke o zamrzavanju štrajka u jedinstvenom općinskom organu uprave Općine Vareš.

3.

Poslodavac se obavezuje da će u skladu sa članom 9. Zakona o štrajku ("Službene novine Federacije BiH", br. 14/00), bez ikakave rezerve izvršiti obračun svih obaveza prema uposlenicima (obaveze iz rada i po osnovu rada, plaće, topli obrok i naknade za prevoz na posao).

4.

Štrajkački odbor i poslodavac su saglasni da, shodno navedenoj Odluci o zamrzavanju štrajka, niti jedna funkcija jedinstvenog općinskog organa, koja je u interesu građana općine Vareš, ne može i ne smije biti dovedena u pitanje, niti uskraćena građanima i korisnicima naših usluga.

5.

Strane potpisnice ovog sporazuma su saglasne da se sva socio-ekonomska pitanja imaju rješavati kroz redovne radno-konsultativne sastanke, i to:

- a. ponedjeljkom, srijedom i petkom,
- b. utorkom i četvrtkom (alternativno).

6.

U skladu sa čl. 8. Zakona o štrajku ("Službene novine Federacije BiH", br. 14/00), Poslodavac u toku štrajka ne može zaposliti nove zaposlenike koji bi zamijenili učesnike u štrajku, niti po bilo kom drugom osnovu, što se ne odnosi na prijem volontera i pripravnika čiji angažman i finansiranje ne ide na teret općinskog budžeta.

7.

Strane potpisnice ovog sporazuma su saglasne da će sve eventualne sporove nastale nepoštivanjem ovoga sporazuma rješavati dogovorno, a u slučaju da u tome ne uspiju, ugovaraju nadležnost Općinskog suda u Visokom.

Broj: 07-16/15

Broj: 02-578/15

PREDSJEDNIK ŠTRAJKAČKOG ODBORA

OPĆINSKI NAČELNIK

Miralem Musa

Avdija Kovačević

